

## De Kriesebomm

Uf d' Kriese fliegt en Stareschwarm,  
los nu, wies brabble tuet,  
en Bomm voll Kriese bluetig rot  
und dobe steckt en Huet.

En Strohma ischt en lahme Siech,  
des wisset d' Stare scho,  
sie schnäblet gluschtig alles uf  
und wend nint ibrig lo.

Sie gumpet dur den Kriesebomm,  
es ischt e luftig Huus,  
bald hont se's glärt, sie schwinget uf  
und pfurret wieder uus.

Bruno Epple

## Z' Nacht

's Schilf des binselet so siifzig  
i de Moondnacht hii und her,  
Mucke giiget i de Weide  
und de See rueht trummig schwer.

Laugele die jucket glitzig  
umenand im Moondeschi,  
und en samfte Luft striicht liisle  
ibers Ufer driberhii.

's wisperet allum so lieble,  
Sternle schwirret selig uus,  
und mi Herz wird liecht und scheinig  
wie e Krieseblüetehuus.

Bruno Epple